

Uzbek - Free from Death Scriptures

- Римликларга 6:23 Гуноҳнинг эвази — ўлим, Худонинг инъоми эса Раббимиз Исо Масиҳ орқали бериладиган абадий ҳаётдир.
- Римликларга 8:2 Ҳаёт ато этувчи Рухнинг қонун–қондаси Исо Масиҳ орқали мени гуноҳдан ва ўлимга етаклайдиган қонундан озод қилди.
- 2 Тимўтийга 1:10 Мана энди, бу иноят Халоскоримиз Исо Масиҳнинг оламга келиши билан яққол намоён бўлди. Масиҳ ўлим кучини йўқ қилди. У мангу ҳаётга элтувчи йўлни бизга Хушxabар орқали ёритиб берди.
- Аюб 5:2 Ранж–алам нодонни ҳалок қилади, Ҳасад соддани ўлдиради.
- Хўшея 13:14 Мен бу халқни ўликлар диёридан қутқарармиканман?! Уларни ўлимдан халос қилармиканман?! Эй ўлим, қирғин олиб келгин! Эй ўликлар диёри, ҳалокатли кучингни кўрсатгин! Энди Мен раҳм–шафқат қилмайман.”
- Ёзилган - Забур 9:14 Раҳм қил менга, эй Эгам, қара! Мендан нафратланган ганимларим азоб бермоқда! Ўлим оғзидан мени қайтарадиган Сенсан!
- Аюб 6:26 Мени беҳуда гапларни айтяпти, деб ўйлайсиз. Шундай экан, нимага тушкунликда айтганларимга жавоб қайтарасиз?!
- Аюб 33:22 Ана, улар қабрга яқинлашиб қолди. Ўлим уларнинг жонини пойлаб турибди.
- Ҳизқиёл 37:12,13 Шунинг учун халқимга башорат қилиб айт: Эгамиз Раббий шундай демоқда: “Эй халқим Исроил, Мен қабрларингизни очиб, сизларни гўрдан чиқараман. Сўнг сизларни ўз юртингиз — Исроилга қайтариб олиб бораман. 13 Ўшанда сизлар Эгангиз Мен эканлигимни билиб оласизлар.
- Матто 27:52 Қабрлар очилиб, тақводор одамларнинг кўпчилиги тирилди.
- Genesis 2:7 Шундан кейин Парвардигор Эгамиз ернинг тупроғидан одамни ясади ва унинг бурун тешигидан пуфлаб, жон ато этди. Шундай қилиб, одам тирик жон бўлди.
- Genesis 6:17 Мен ер юзини тўфонга бостириб, ҳар қандай тирик жонзотни қириб ташлайман. Ер юзидаги ҳамма нарса нобуд бўлади.
- Genesis 7:15 Бу тирик жонзотлар иккита–иккитадан бўлиб Нух билан бирга кемага кирди.
- Genesis 7:22 Қуруқ ер устида яшаб турган ҳамма тирик жонзот нобуд бўлди.
- Аюб 12:10 Ҳар бир жониворнинг ҳаётию Инсонларнинг нафаси Унинг қўлидадир.
- Аюб 33:4 Мени Худонинг Рухи яратган, Қодир Худонинг нафаси менга ҳаёт бериб турибди.
- Ҳаворийлар 17:25 Ҳар қандай одамга жон, нафас ва ҳамма нарсани Унинг Ўзи берган. Шунинг учун У инсоннинг қўлига қараб колмаган. У ҳеч

нарсага муҳтож эмас.

Ваҳий 13:15 Унга маҳлуқнинг тасвирига жон ато этиш қудрати берилганди. Маҳлуқ тасвири тилга кирди ва ўзига сажда қилмаганларнинг ҳаммасини ўлдиртирди.

Юҳанно 10:10 Ўғри фақат ўғирлаш, бўғизлаш, барбод қилиш учун келади. Мен эса уларга ҳаёт, фаровон ҳаёт бериш учун келганман.

Ишаё 28:15 Сизлар шундай дедингиз: “Биз Ўлим билан аҳд қилганмиз, Ўликлар диёри ила битим тузганмиз. Даҳшатли офат келиб бошимизга тушмайди. Ахир, ёлғонни паноҳ қилиб олганмиз, Сохталикни чодир қилиб олганмиз.”

Ишаё 28:18 Ўлим билан тузган аҳдингиз бекор бўлади, Ўликлар диёри ила қилган битимингиз барбод бўлади. Даҳшатли офат юртдан ўтаётганда, Сизлар ер билан яксон бўласиз.

Ишаё 5:24 Шу боис аланганинг тили сомонни ютгандай, Уларнинг илдири чириб кетади, Қуруқ хашак оловда куйиб битгандай, Уларнинг ғунчаси чангадай учи кетади. Сарвари Оламнинг таълимотини улар рад қилди, Исроил халқининг муқаддас Худосининг сўзидан нафратланди.

Йўэл 1:12 Узум токи сўлиди, анжир дарахти қуриди. Ҳазон бўлди анор, хурмо, олма — ҳамма дарахтлар. Инсон севинчи тамом қуриб битди!

Хўшея 13:15 Исроил қариндошлари орасида Серпушт ва фаровон бўлса— да, Эгамиз унинг устига шарқ шамолини юборади, Саҳродан эсан гармселни жўнатади. Исроилнинг булоғини қуритади, Унинг чашмасини қовжиратади. Ҳазинасидаги қимматбаҳо зийнатларини тортиб олади.

Ваҳий 22:1 Фаришта менга биллурдай тиниқ, ҳаётбахш сувлар дарёсини кўрсатди. Бу дарё Худонинг ва Қўзининг тахтидан чиқиб,

Юҳанно 4:10 Исо аёлга деди: — Худо сенга қандай инъом бермоқчи эканлигини ва сендан сув сўраган Одам ким эканлигини сен билмайсан. Билганинга эди, ўзинг Ундан сув сўраган бўлар эдинг ва У сенга ҳаётбахш сувни берган бўларди.

Юҳанно 4:14 Лекин Мен берадиган сувдан ким ичса, абадий чанқамайди. Мен берадиган сув ўша одамнинг вужудида булоққа айланиб, абадий ҳаёт сари жўшиб оқади.

Ҳикматлари 13:14 Дононинг таълимоти — ҳаёт манбаи, одамни ўлим тузоғидан халос этади.

Ҳикматлари 14:27 Эгамиздан кўрқиш ҳаёт манбаидир, у ўлимдан қутқаради.

Ҳизқиёл 13:17-23 “Эй инсон, Исроил халқининг ўзича башорат қилиб юрган аёлларига юзлан. Уларга қарши башорат қилиб, 18 айт:

— Эгангиз Раббий шундай демоқда: “Эй, одамларнинг жонини овлаб юрган аёллар, сизларнинг ҳолингизга вой! Сизлар ҳар бир одамнинг билагига тумор тақасизлар. Ёшу қарининг бошига ёпинчиқлар ёпасизлар. Сизлар халқимнинг жонларини овлаб туриб, ўз жонингизни сақлаб қоласиз, деб ўйлайсизми?! 19 Сизлар бир ҳовуч арпа билан бир бурда

нон учун, халқим олдида Мени бадном қилдингиз—ку! Ёлғонни хуш кўрган халқимга ёлғон гапириб, айбсиз одамни нобуд қилдингиз. Ўлимга лойиқ бўлган одамнинг жонини эса асраб қолдингиз.” 20 Шунинг учун Эгамиз Раббий айтмоқда: “Сизлар туморларингиз билан одамларнинг жонларини овляяпсизлар. Мен ўша туморларингизга қаршиман. Мен уларни қўлларингиздан юлиб оламан, қафасдаги қушни озод қилгандай халқимни озод қиламан. 21 Ёпинчиқларингизни йиртиб ташлайман, халқимни чангалингиздан халос қиламан. Улар энди сизнинг қурбонларингиз бўлмайди. Ўшанда Эгангиз Мен эканлигимни билиб оласизлар. 22 Сизлар ёлғонларингиз билан солиҳ одамнинг дилини ранжитдингиз. Мен эса уни ранжитмоқчи эмас эдим. Фосиқ одам ёмон йўлидан қайтмаслиги, жонини сақлаб қолмаслиги учун сизлар уни қўллаб турдингиз. 23 Шу сабабдан энди сизлар ёлғон ваҳийлар кўрмайсизлар, фол очиб юрмайсизлар. Мен Ўз халқимни чангалингиздан озод қиламан. Ўшанда Эгангиз Мен эканлигимни билиб оласизлар.

Еремиё 21:8 “Сен бу халққа шундай деб айт: Эгамиз демоқда: Мен сизларга иккита йўлни — ҳаёт ва ўлим йўлини бердим.

Аюб 34:22 Бирон зулмат ёки қоронғи жой йўқки, Бадкирдорлар ўша жойда яшириниб олса.

Ёзилган - Zabur 15:10 Мени ўликлар диёрига ташлаб кетмайсан, Бу тақводорингни қабрда чиритмайсан.

Ёзилган - Zabur 23:4 Эй Эгам! Ҳатто зулмат водийсида юрсам ҳам, Хавф—хатардан кўркмайман, Ахир, Сен мен билан биргасан. Сенинг чўпон таёғинг, Хивичинг мени ҳимоя қилади.

Ёзилган - Zabur 29:4 Эй Эгам, ўликлар диёридан жонимни олиб чиқдинг, Қабрга кираётганимда мени қутқардинг.

Ёзилган - Zabur 48:16 Ўликлар диёри ҳукмидан Худо мени қутқаради, Шубҳасиз, У мени Ўз ёнига олади.

Ёзилган - Zabur 55:14 Жонимни ўлимдан қутқариб қолдинг, Оёғимни қоқилишдан сақладинг. Шу боис, эй Худо, Сенинг олдингда, Ҳаёт нурида юраман.

Ёзилган - Zabur 67:21 Худойимиз — нажот бергувчи Худо, Эгамиз Раббий ўлимдан қутқаради.

Ёзилган - Zabur 88:49 Қайси инсон ўлимни кўрмас экан?! Ким ўликлар диёри қудратидан омон қолар экан?!

Ёзилган - Zabur 101:20,21 Асирларнинг ноласига қулоқ солай, деб Эгамиз юксақдаги муқаддас маконидан қаради. Ўлимга маҳкум бўлганларни қутқарай, деб У осмондан заминга назар ташлади. 21 Асирларнинг ноласига қулоқ солай, деб Эгамиз юксақдаги муқаддас маконидан қаради. Ўлимга маҳкум бўлганларни қутқарай, деб У осмондан заминга назар ташлади.

Ёзилган - Zabur 114:8 Эгам жонимни ўлимдан қутқариб қолди,

Кўзларимни ёш тўкишдан,
Оёғимни қоқилишдан қутқарди.

Ҳикматлари 10:2 Ёвузлик билан топилган бойликдан наф йўқ, тўғрилиқ эса ўлимдан қутқаради.

Ишаё 26:19 Аммо Сенинг ўлик халқинг тирилади, Таналари ўрнидан туради. Эй тупроқ остида ётганлар, кўзғалинг, Шодликдан ҳайқиринг! Эй Эгамиз, шабнамнинг тонгги шабнамга ўхшайди, Замин мурдаларига ҳаёт бағишлайди.

Юҳанно 5:28,29 Бунга ҳайрон қолманглар! Қабрда ётган марҳумларнинг ҳаммаси Инсон Ўғлининг овозини эшитадиган вақт келади. 29 Шунда ўликлар қабрларидан чиқадилар: яхшилик қилганлар яшаш учун тирилади, ёмонлик қилганлар эса маҳкум бўлиш учун тирилади.”

Юҳанно 10:28 Мен уларга абадий ҳаёт бераман, улар ҳеч қачон ҳалок бўлмайдилар. Ҳеч ким уларни Менинг кўлимдан тортиб ололмайди.

Юҳанно 11:43,44 Шундай деди—ю, баланд овоз билан хитоб қилди: — Лазар, ташқарига чиқ! 44 Шу пайт кўлу оёқлари кафанланган, юзи рўмол билан ўралган марҳум чиқиб келди. — Кафанини ечинглар, уни кўйиб юборинглар, — деди Исо одамларга.

Юҳанно 12:17 Исо Лазарни қабрдан чақириб тирилтирганига гувоҳ бўлган оломон Исога эргашиб, бу ҳақда ҳаммага айтди.

Юҳанно 17:2 Сен Унга бутун инсоният устидан ҳокимият бердинг. Токи Унга берилган ҳар бир инсонга У абадий ҳаёт ато қилсин.

1 Коринфликларга 15:19-26 Агар биз ёлғиз бу ҳаёт учун Масихга умид боғлаган бўлсак, биз энг бахтсиз инсонлар эканмиз. 20 Ваҳоланки, Масих ростдан ҳам тирилди! У биринчи бўлиб тирилди, шу тариқа ўликдан тириладиганларнинг орасида ҳосилнинг илк самарасидай бўлди. 21 Ўлим бир инсон орқали дунёга кирди. Шунга ўхшаб, ўликларнинг тирилиши ҳам бир инсон орқали содир бўлади. 22 Ахир, бу дунёга ўлим Одам Ато туфайли кириб келди, энди Исо Масих орқали ҳамма тирилади. 23 Ҳамма нарса ўз навбати билан содир бўлади: мана, Масих биринчи бўлиб тирилди, Масих келганда эса Унга тегишли бўлганлар тирилади. 24 Шундан сўнг, Масих ҳар қандай ҳокимиятни, ҳукмронлик ва қудратни барбод қилиб, салтанатни Самовий Ота — Худога топширганда охират бўлади. 25 Масихнинг ҳамма душманлари Унинг оёқлари остига пойандоз қилинмагунча, У ҳукмронлик қилиши керак. 26 Шунда охирги душман — ўлим ҳам барҳам топади.

2 Коринфликларга 1:9,10 Ўлим муқаррар эканлигига амин бўлган эдик. Буларнинг ҳаммаси бизнинг ўзимизга эмас, балки ўликларни тирилтирадиган Худога умид боғлашимиз учун содир бўлди. 10 Ҳақиқатан ҳам Худо бизни шундай оғир ўлим таҳликасидан қутқарди ва яна қутқаради ҳам. Ҳа, У бизни яна қутқаради, деб Ундан қаттиқ умид қиламиз.

- 2 Коринфликларга 3:6 Худо бизга янги аҳднинг хизматкорлари бўлиш қобилиятини берди. Бу аҳд қонунга эмас, балки Рухга асосланиб тузилган, чунки қонун ўлимга етаклайди, Рух эса ҳаёт бағишлайди.
- Колосаликларга 1:21,22 Сизлар ҳам бир вақтлар Худога душман эдингизлар. Фикру зикрингиз Худодан узоқ бўлиб, ёмон ишлар қилардингизлар. 22 Масихнинг жисмоний танадаги ўлими орқали Худо сизларни Ўзи билан яраштирди. Энди сизлар Худонинг олдида муқаддас, бенуқсон ва айбсиз турасизлар.
- Ибронийларга 2:9 Аммо “қисқа вақтагина фаришталардан паст бўлган” инсонни, яъни Исони биз кўриб турибмиз. У инсон бўлиб келди, Худонинг инояти туфайли бутун инсоният учун азоб чекиб, ўлди. Шу сабабдан энди “иззату шараф тожини кийди.”
- Ибронийларга 2:14,15 Бу фарзандлар фоний бандалар бўлганлари учун, Исо ҳам улар сингари инсон бўлди. Зеро, У Ўз ўлими орқалигина ўлим келтирувчи иблиснинг қудратини йўқ қила олди ва 15 умр бўйи ўлим кўрқувига қул бўлган одамзодни озод қилишга муваффақ бўлди.
- Ибронийларга 11:5 Имони туфайли Ханўх ўлмади. У тириклайин осмонга кўтарилиб кетди. Ханўх бирданига ғойиб бўлиб қолганди, чунки Худо уни олиб кетган эди. Муқаддас Битикларда айтилишича, Худо Ханўхни олиб кетмасидан олдин ҳам ундан мамнун эди.
- 1 Бутрус 3:18 Масих бизни гуноҳларимиздан то абад фориг қилиш учун азоб чекканини ёдингизда тутинглар. У солиҳ бўла туриб, биз, гуноҳкорларни Худога яқинлаштириш учун жонини фидо қилди. Уни жисман ўлдиришди, аммо У янги, улуғвор ҳаёт учун тирилди.
- 2 Бутрус 1:3 Раббимиз Исо Ўз улуғворлиги ва эзгулиги ила бизни даъват этиб, Ўзини бизга танитди. Энди биз Худога муносиб ҳаёт кечира оламиз, чунки Раббимиз илоҳий қудрати билан бизга зарур бўлган барча фазилатларни ато этди.
- 1 Юҳанно 3:14 Биз ўлимдан ҳаётга ўтганимизни биламиз, чунки биродарларимизни севамиз. Биродарини севмаган одам эса ўлим исканжасида қолган.
- 1 Юҳанно 5:11 Худонинг гувоҳлиги шундан иборат: Худо бизга абадий ҳаёт берди ва бу абадий ҳаётнинг манбаи Худонинг Ўғли Исодир.
- Ваҳий 21:6 Сўнг менга яна деди: “Амалга ошди! Ибтидо ва Интиҳо, Боши ва Поёни Ўзимман. Чанқаганга Мен булоқдаги ҳаётбахш сувдан ичираман. Бунинг эвазига у ҳеч қандай тўлов бермайди.